

Na osnovu Ugovora o obavljanju administrativnih poslova u oblasti homologacije vozila, dijelova, uređaja i opreme, broj 01-02-2-4323/09, od 04.12.2009. godine i Anexa Ugovora o obavljanju administrativnih poslova u oblasti homologacije vozila, dijelova, uređaja i opreme, broj: 01-02-2-4579/10 od 04.11.2010. god, potpisanih sa Ministarstvom komunikacija i transporta BiH i Konzorcijuma, na osnovu članova 19. i 22. Pravilnika o homologaciji vozila, dijelova, uređaja i opreme („Službeni glasnik BiH“, broj 41/08), (u daljem tekstu: Pravilnika), i Odluke Vijeća koordinatora za poslove homologacije, raspisuje se

J A V N I O G L A S

ZA DODATNI PRELIMINARNI IZBOR TEHNIČKIH SERVISA KOJI ĆE VRŠITI HOMOLOGACIJU VOZILA, DIJELOVA UREĐAJA I OPREME VOZILA

1. PREDMET JAVNOG OGLASA

1.1 Izbor 2 tehnička servisa sa područja opština: Bosansko Grahovo, Bugojno, Čapljina, Donji Vakuf, Drvar, Glamoč, Gornji Vakuf-Uskoplje, Grude, Jablanica, Jajce, Konjic, Kupres, Livno, Neum, Posušje, Ravno, Stolac, Šipovo, Tomislavgrad.

1.2 Izbor 2 tehnička servisa sa područja opština: Berkovići, Bileća, Čajniče, Foča, Gacko, Grada Istočno Sarajevo, Goražde, Kalinovik, Ljubinje, Nevesinje, Novo Goražde i Trebinje.

2. OPIS POSLOVA

U skladu sa članom 20. Pravilnika, tehnički servisi će vršiti:

- a) Utvrđivanje identiteta i tehničkog stanja vozila
- b) Pregled i ispitivanje vozila pri homologaciji vozila

3. USLOVI KOJE TEHNIČKI SERVISI TREBAJU ISPUNITI

Tehnički servisi, treba da ispunjavaju opšte uslove, propisane članom 21. Pravilnika:

- a) Da na svakom ispitnom mjestu, raspoložu odgovarajućim radioničkim prostorom u kojem je moguće obavljanje pregleda vozila, da raspoložu odgovarajućim kancelarijskim prostorom i odgovarajućom opremom.
- b) Da imaju zaposlene radnike u punom radnom vremenu sa sljedećim stručnim kvalifikacijama
 - 1) 1 izvršilac VSS, diplomirani inženjer mašinstva, smjer motori i vozila,
 - 2) 1 izvršilac VSS, diplomirani inženjer mašinstva, smjer motori i vozila ili diplomirani inženjer saobraćaja, drumski smjer,
 - 3) 1 izvršilac IV SSS, mašinskog ili saobraćajnog (drumskog) smjera
 - 4) 1 izvršilac IV SSS

Pored opštih uslova, tehnički servisi treba da ispunjavaju i uslov da imaju sjedište na jednoj od navedenih opština sa područja za koje se bira tehnički servis.

Izbor tehničkih servisa će se obaviti prema kriterijumima iz Procedure za izbor i ocjenjivanje osposobljenosti tehničkih servisa.

4. POTREBNA DOKUMENTACIJA

Svaki kandidat koji se prijavi na oglas dužan je dostaviti sljedeću dokumentaciju:

- a) Prijavu sa podacima o podnosiocu prijave (naziv, adresa, telefon, fax, e-mail, web-stranica, ime i prezime odgovorne osobe, ime i prezime osobe za kontakte, itd.) i podacima o poslovnom profilu;
- b) Ovjerene kopije izvoda iz sudskog registra;
- c) Spisak radnika koji će raditi na poslovima homologacije vozila sa ovjerenim kopijama diploma i dokazima o zaposlenju (ovjeren M2 obrazac) ;
- d) Skice prostora za pregled vozila i raspoloživog kancelarijskog prostora;
- e) Spisak opreme i uređaja kojim se raspolaže;
- f) Dokaze o kompetencijama (reference kandidata, reference radnika)

5. POSTUPAK IZBORA TEHNIČKIH SERVISA

- 5.1 Na osnovu prispjelih prijava utvrdiće se preliminarna lista kandidata koji ispunjavaju opšte uslove;
- 5.2 Prema dodatnim uslovima iz tačke 2. oglasa, formiraće se rang lista tehničkih servisa;
- 5.3 Rangiranje kandidata će se obaviti po osnovu stručnih kompetencija (materijalna i kadrovska osposobljenost kandidata, iskustva na sličnim poslovima, referenci radnika u vidu specijalističkih kvalifikacija, posebnih znanja, ličnog iskustva, naučnog i stručnog doprinosa u oblasti, inovacija, znanja stranih jezika itd.);
- 5.4 Stručni radnici izabranih tehničkih servisa polažu stručni ispit za dobijanje licence;
- 5.5 Prije izdavanja odobrenja za rad, komisija tijela za homologaciju će obaviti kontrolu stanja na licu mjesta i provjeru podataka navedenih u prijavi.

6. ROK ZA PODNOŠENJE PRIJAVA

Krajnji rok za dostavljanje prijava je 15 dana od dana objavljivanja ovog oglasa. U razmatranje će se uzeti prijave koje stignu posljednjeg dana za prijem prijava do 16,00 časova.

7. DOSTAVLJANJE PRIJAVA

Prijave sa traženom dokumentacijom i dokazima se dostavljaju u zatvorenoj koverti na adresu Nosioca konzorcijuma:

AD „EIB Internationale-Centar za motorna vozila“

Skendera Kulenovića 14, 78000 Banja Luka

Na koverti treba napisati: „**PRIJAVA ZA IZBOR TEHNIČKIH SERVISA**“.

Napomene:

- Neblagovremene i nepotpune prijave se neće razmatrati;
- U slučaju da se utvrdi da u dokumentaciji bude netačnih podataka, prijava će se odbaciti.